

閩中金石志

園中金石志卷四

嘉興馮登府輯

吳興劉承幹校

唐

開元寺丈六金身碑

天祐三年

黃滔撰見文集

釋氏之稱釋迦牟尼佛千百億化身而古今之世以諸佛菩薩其或鑄成塑成刻成其或壁繪幅繪乎像不可勝紀况多應現感通之自其非之乎我公粵天祐三年丙寅秋七月乙丑鑄金銅像一句丈有六尺之高後二十有三日丁丑繼之鑄菩薩二句丈有三

尺高銅爲內肌金爲外膚取法西天鑄成東越巍巍
落落毫光法相初我公登壇之三年己未秋一夕雨
歇天清風微月明瑤兔無烟銅龍有聲俄夢天之西
際燿以照物綵雲罅裂大佛中座嶽嶽以觀止熙熙
而啟言曰斷余一臂衛一方既覺而思現乎形昭像
也斷一臂誓誠也衛一方保眾也始嘉其異姑默其
事後創其意乃命自賓席將校之逮步乘步乘之逮
眾庶其有植信根之深者暎惠燭之明者許一以金
投吾俸中將櫝於肆俟以銅易而後鳩工鴻鑪卜境
擇日請斯佛於九仙山定光多寶塔之右古仙徐登

上昇之地其日圓空鏡然江山四爽橐籥之上上騰

爲烟雲盤旋氤氳五色成文又有群鳥或若鴻鵠或

如鸚鵡交翔而間鳴自寅而及午斯佛也一瀉而成

翼日我公禮閱之乃與夢中一類其形儀長短大小

無少差其一臂工以之別鑄而會

其像大工慮其不就許以一臂別鑄

而會之乃我公神之而露其夢於是迎入府之別亭

暗符夢中磨瑩雕飾克盡其妙朝夕瞻拜時不之怠冬十有二

月丙申會僧千千以幡以幢以鐘以磬引歸於開元

寺壽山之塔院獨殿以居之翼二菩薩於左右三十

二相足八十種好具螺纒纒以成髻珠隱隱以炫額

植信及門而膝地童素遍城而掌膠夫如是豈非千
百億化身之一乎不然者焉得入乎夢而如乎神成
乎形而如乎夢夢不之告工以之缺者哉其應現感
通復爲之殊矣大矣哉且先天地生之謂道後天地
設之謂象道者也以無爲爲志之者授心印於虛空
象者也以有爲爲志之者疊慧力於報應論者惑句
以之爲風馬會不謂象猶道之轂也無象道不行矣
始者摩騰竺法蘭二梵僧不慎其像東其道且西耳
惜乎不與三皇五帝同世而出設與三皇五帝同世
而出必能從容朴素遲回仁義詐僞未之亟蠹也奈

何天將後之豈徒然哉豈不以仁義之生也曰堯與舜仁義之亡也曰癸與受至於列國之際強秦之立癸受之悖壘壘其躅天謂仲尼之祖述堯舜憲章文武終不能獨制之故東釋迦牟尼於中士大陳出生入生之理天堂地法之事以警戒之雖人世之風波萬態逆翻而幽府之鐵縲一無苟免上智聞之若鏡之磨中智聞之若泉之澄下智聞之若火之燒謂之爲有則河沙芥子之說虛誕難測謂之爲無則應現感通之事尋常立驗故能銷嗜慾更禍福一貴賤則爲裨教化之一源湛然不動感而遂通者也而以金

厥地蓮厥宮張法橋以度人無刑網以束俗世之敬之可也怠之可也黷之可也繇是有委之國君委之大臣之旨既而委之則人非常人道非常道我公曠代之生也有神僧識伏鉞之雄也應江沙期合仙人

識築城之盛也契菩薩說

初丙午歲我公至清源未

駭而指之日金輪王之弟三子降人間幸勉之專生殺柄又闔之侯未嘗至宰輔晉時郭璞記曰南臺江沙合卽有宰輔相我公之登台席也江沙契焉又梁時王霸怡山上昇山在府城之西五里五里光啟丁未歲衢之爛柯山道士徐景立因於其仙壇東北隅取土掘得瓷餅七口各可容一升水其中悉有炭上總蓋一青罇刻文字云樹枯不用伐壇壞不須結未滿一千歲自有系孫列後來是三皇潮水蕩禍殃巖逢一乍間未免有銷亡子孫依吾道代代封閣疆其壇東南有皂筴樹古云真君於此樹上上昇其後枯

矣至咸通庚寅歲復榮茂也又鳩山僧禿大安項上
西禪者乾符中曰府城之到九仙三窟其中乃菩薩
行化今之夫神通爲佛魂交曰夢神非夢而罕通夢
新城及焉非神而不感我公之慶鍾也其如是矣其明年正月
十有八日乙未設二十萬人齋號無遮以落之是日
也綵雲纈天甘露粒松香花之氣撲地經梵之聲入
空座客有右省常侍隴西李公洵翰林承旨制誥兵
部侍郎昌黎韓公偓中書舍人瑯琊王公滌右補闕
博陵崔徵君道融大司農瑯琊王公標吏部郎中譙
國夏侯公淑司勳員外郎王公拯刑部員外郎弘農
楊公承休弘文館直學士弘農楊公贊圖弘文館直

學士瑯琊王公侗集賢殿校理吳郡歸公傳懿皆以
文學之粵比偃商侍從之聲齊褒向甲乙之選昇第
巖廊韞望東浮荆襄南遊吳楚謂安莫安於閩越誠
莫誠於我公依劉表起商漢其地也交轍及館值斯
佛之成斯會之設俱得放心猿於菩提樹上歇意馬
於清涼山中我公乃顧幕下者滔俾刻貞石以碑之
某以甲科忝第盛府蒙招刊勒之職不敢牢讓謹推
於厥旨經云作佛像之功德斗量海以有盡塵碎劫
以無窮至若青黛之畫辟支一金之補毗婆戲爲之
而以草木思見之而刻梅植其猶蛻現其生羽金其

報而況今乃儼至誠從靈感銅乎萬萬金乎千千虔
鼓鑄於神仙之山下貞吉於火土之數其積功累德
豈可以邊以涯而言之哉或曰梁武帝隆釋氏今古
靡倫奚報應之味乎對曰梁武帝隆釋氏之教不隆
釋氏之旨所以然也夫帝王之道理世也釋氏之教
化人也理世之與化人蓋殊路而同歸彼宵旰於萬
有故一夫不獲若已隕諸隍中此濟度於觸類故欲
凡一有情悉皆成佛梁武帝則不然以民之財之力
利將三百祈功覬德則歸諸已啼億兆而不乳削頂
頤以言覺所以私所以然也今我公爲邦則忠孝於

君親自興兵以來天下以三司之泉皆名直進獨我公以俸錢爲直進三司之運悉如傳焉闕庭大稱其美 牧人則父母於生民造塔四其一曰壽山以昭皇帝辛酉歲西巡發誓願以祝熊羆乞車駕之復宮闕其二曰報恩多寶定光追薦於先世其三其四大中神光爲軍旅也爲人民也繕經五藏其二進於上其三附於壽山定光大王意同乎塔月三其齋或干僧或千佛疏乎誠首則君親次則軍旅人民而已後焉况斯佛已之而不已與寶席將校步乘眾庶共誠之故其地出明珠海出珊瑚幾於蓮花妙品之繁車乘瑪瑙幡幢瓔珞周乎多寶之湧也

開元定塔基掘地大有五尺之

得寶珠坐以金錢又於海中得珊瑚樹凡二百餘株矣夫其玄貺之如彼靈感之若此則斷一臂衛一方斯昭昭矣豈與彼而論哉某是輒奮筆而無愧爲其詞曰

託入佳夢鑄成鴻儲毫光法相銅肌金膚恍惚現形昭彰合符不有爲也其如是乎唐一其宇越百其區伊闕之設於地之殊四城甌仞東塹窟隅匪德莫處惟仁靡逾懿其橐籥飛作醜醜焦山草木不得不蘇若海波澗不得不枯仙花罔謝慧日寧徂永茲一方盤石其都

按十國春秋天祐三年秋七月乙丑鑄金銅佛像

一高丈有六尺丁亥鑄菩薩像二高丈有三尺冬十二月丙申迎像於開元寺壽山塔院洎爲是碑極言三藏聲明之盛

威武軍節度王審知德政碑

天祐三年

寶刻叢編作閩忠懿王德政碑諸道石刻錄云于兢撰輿地碑曰乾寧三年于兢撰作恩賜瑯琊郡王德政碑

郝志云在慶城寺東閩王廟內唐天祐三年十二月奉勅建立禮部侍郎于兢撰文

大唐威武軍節度福建管内觀察處置三司發運等

使特進檢校太保同中書門下平章事使持節提督
福州諸軍事兼福州刺史上柱國瑯琊郡王食邑
□戶食實封一伯戶王審知德政碑銘 并序

銀青光祿大夫行尚書禮部侍郎上柱國臣于兢

奉

勅撰

粵自範金合上之制雲師火紀之名禹別九州堯咨
四岳莫不東求良輔宏濟兆人彰克勤克儉之能垂
可久可大之業嗣太叔寬猛之政循仲尼富庶之言
既茂勳勞宜標篆刻公名審知姓王氏瑯琊人也其
非士 命氏 疏源演派代濟其美史不絕書後以大祖

就祿光州因家於是邵焉

會

祖友

贈光祿卿王父

蘊玉

贈秘書

少監父恁

贈光州刺史繼贈太尉

公卽太尉之季

子

也初公兄潮志尙謙恭舉謫鄉閭

善於和衆士多歸之

福建節度使陳巖旣嚮其名又

以所屬泉州求牧乃

遣

禮而請之及到任頗著嘉聲

後巖在軍病甚不能視事軍士等懼無統御

皆

願有

所依從臬牧遂以郡委於仲弟審邽而與公

皆

赴至

積惡者屏去爲善者獲安因

詔授節度使累加檢

校右僕射於是剗其訛弊整其章條三軍無譁萬姓

有奉乾寧三年僕射進疾且付公以戎旅仍具表

矣尋加刑部尚書威武軍留後俄授金紫光祿
大夫右僕射本軍節度使公器局端雅識理融明稟
嵩嶠之眞精得圮橋之妙畧及膺

帝命寵陟齋壇細柳連營旌旗動色蒲盧蒞政草樹
逢春一年而足食足兵再歲而知禮知義方隅之內

仰止攸同曩以運屬艱虞人罹昏墊農夫釋耒工女

下機公旣統藩垣勵精爲理強者抑而弱者撫老者
安而少者懷使之以時齊之以禮故得污萊盡闢鷄
犬相聞時和年豐家給人足版圖旣倍井賦孔殷處
以由庚取之盍徵夫述職之道底貢爲先九江爰序

於厥苞伍伯是徵於縮酒雖甸服之近江漢之中或
遇阻艱亦絕輸賦唯公益堅尊獎慎守規程松柏後
凋風雨如晦地征旁午天庫充盈共仰勤劬咸知匡
戴常以學校之設是爲教化之源乃令誘掖童蒙興
行敬讓幼已佩於師訓長皆寘於國庠俊造相望廉
秀特盛閩川以南地惟設險人尙爭雄或因饑饉薦
臻或以刻剝爲苦藿蒲易聚巢穴難探公感之以恩
綏之以德且曰吏實爲虐爾復何辜示以寬仁俾之
柔服遂數十年之氛祲遽致廓清一千里之封疆旋
觀昭泰張綱以入學虞胡用絳縷擒姦以古况

今彼猶懷愧爰自天寶艱難之後經費實繁斂之
臣名額滋廣卽山鳩利任土庀財峻設隄防頗聞稠
贍泊纏烽燧仍患崎嶇三司之職務空存四海之輪
蹄鮮至公按其程課令以權衡盡叶舊規尤彰宏業
而又奉大雄之教崇上善之因象法重興道師如在
虹梁雕栱重新切利之宮鈿軸牙籤更演毗尼之藏
而又盛興寶塔多捨淨財日麗飛甍霞攢綵檻頽豔
迴向遠邇歸依川俾群絲皆同妙果佛齊諸國雖同
臨照靡襲冠裳舟車罕通賅費罔獻者亦踰滄海
來集鴻臚此乃公示以中孚致其內附雖云異類亦

慕 華風宛土龍媒寧獨稱於往史條支雀卵諒

可繼於前聞自燎熾西秦煙飛東觀魯壁之遺編莫

抹周

陵之墜簡宜存亟命訪尋精於繕寫遠貢劉歆

之閣不假陳農之求次第籤題森羅卷軸夫四隣共

守蓋當偃革之期七德方修必假禦衝之備是以恢

張制度固護基焉程功而莫匪子來作事而適當農

隙立崇

墉之百雉表巨屏於一方巖邑湯池曾何足

數折筋縈帶固不可憑未若暫勞致茲永逸兵戈薦

起帑庾多虛凡列土疆悉重征稅商旅以之而壅滯

工賈以之而殫貧公則盡去繁苛縱其交易闢譏廓

市匪絕

往來衡麓

舟

鮫皆除守禦故得填郊溢郭擊

轂摩肩競敦廉讓之風驟覩樂康之俗閩越之境江海通津帆檣蕩漾以隨波篙楫崩騰而激水途經巨浸山號黃峙怪石驚濤覆舟害物公乃具馨香黍稷薦祀神祇有感必通其應如響祭罷一夕震雷暴雨若有冥助達旦則移其艱險別注平流雖畫鷁爭馳而長鯨弭浪遠近聞而異之

優詔獎飾乃以公之德化所及賜名其水爲甘棠港神曰顯靈侯與夫召神人以鞭石驅力士以鑿山不同年而語矣於戲辨貞金於大冶認勁草於疾風不

有良田誰康澤國尋就加平章事檢校右僕射如故

腰懸相印手握兵符益壯軍聲彌新

殊渥又

改光祿大夫檢校司空特進檢校

司

徒然而物議與

詞功厚賞薄以爲爵祿未稱疇庸於

是

異姓分封仍

加井邑轉檢校太保瑯琊郡王食邑四千戶食實封

壹伯戶公之仲兄審邽自守泉郡一紀於茲黠馬皆

調疲人盡秦公性惟雍睦

睦

氣稟溫和韻契墳笮政牟

魯衛可謂高明輝映超絕一時者也公以

天下

兵

馬元帥太尉中書令梁王勳格穹昊德服華夷奉大

國之歡盟爲列藩之表率今節度都押衙程贊及軍

州將吏百姓耆老等久懷化育願紀功庸列狀

上聞請議刊勒

元帥梁王以公如河誓著

匪

石情堅累貢表章顯陳保

證

朝廷冀宏誘勸特示

褒揚將建龜趺合徵鴻藻兢謬居清列曾乏雄文頃

歲嘗詠皇華往宣

宸旨已於視聽親佻徽猷

今

之執簡濡毫得以研精覃思備陳懿績寔無愧詞乃

作銘曰

日月麗天

舟楫濟川

內外克乂

股肱惟賢

淮水長清

緱嶺方寧

慶隨祚遠

材爲時生

伯氏

雄特

泉人仰德

求瘼斯勤

頌條有則

冠軍被疾

付以師律

政教翕張

士庶寧謐

懿彼閩越

帥實英傑

地列周封

心馳魏闕

聖澤汪洋

元戎啟行

有典有則

爲龍爲光

高懸秦鏡

理道自靜

比屋懷仁

連營稟令

航海梯山

貢奉循環

務其輸委

無憚險艱

周征之術

公田什一

約以有程

守而勿失

輕徭薄賦

謳歌載路

高掩龔黃

遐追邵杜

鄉校皆遊

童蒙來求

雅道靡靡

儒風優優

惟虺吹毒

久依山谷

罔恣陸梁

竟欣柔服

法寶梵宇

勝因所主

崇構斯精

福慶攸聚

佛齊諸國 綏之以德 架浪自東 驅山拱北

墜簡遺編 繕寫精研 麟臺臨臨 武觀森然

畚鍤其勤 雉堞連雲 永制爾敵 用壯我軍

關譏不稅 水陸無滯 遐邇懷來 商旅相繼

黃崎之勞 神改驚濤 役靈祇力 保千萬艘

劉驥荀龍 填筮雍雍 惟邦惟翰 以侯以公

元帥梁王 武步龍驤 挺彼七德 削平四方

公能事大 推心斯在 風雨無渝 歲寒不改

殊勳茂績 盡瘁宣力 國之丹青 邦之柱石

位冠台鼎 任隆兵柄 重以徽章 寵分異姓

優詔銘功 萬古英風

貞珉是勒

垂之無窮

天祐三年丙寅歲閏十二月一日准

勅建

將仕郎前守京兆府鄠縣尉直弘文館王侗書

□

金石萃編按碑有缺字吳任臣十國春秋載此文今據以增注撰文者于兢書者王侗皆無攷碑云公名審知姓王氏瑯琊人也後以大祖就祿光州因家於是郡焉兩五代史皆云王審知字信通光州固始人十國春秋云五代祖暉爲固始令民愛其仁留之因家焉然則碑云大祖者卽五代祖暉也碑云兄潮士

多歸之福建節度使陳巖請牧泉州巖病軍士無統

御泉牧遂以郡委於仲弟審邽而與公皆赴云云歐

五代史王審知傳稱唐末羣盜起壽州人王緒攻陷

固始緒聞潮兄弟材勇召置軍中以潮爲軍校薛史云時

潮爲縣佐緒署爲軍政是時蔡州秦宗權募士益兵以緒爲光

州刺史召其兵會擊黃巢緒遲留不行宗權發兵攻

緒緒率眾南奔自南康入臨汀陷漳浦緒性猜忌潮

頗自懼說其前鋒將擒緒推潮爲主薛史云緒眾求

盟植劍於前祝曰拜此劍動者爲將至潮時泉州刺

史廖彥若貪暴潮畧地至其境耆老留之潮聞彥若

逾年克之光啟二年福建觀察使陳巖表潮泉州刺

史景福元年巖卒

薛史作大順中巖卒

其壻范暉自稱留後潮

遣審知攻暉破之唐卽以潮爲福建觀察使以審知
爲副使十國春秋云王緒取光州時潮爲縣佐使與
弟審邽審知以材氣知名邑人號曰三龍緒署爲軍
正主廩庾緒南奔陷漳浦初以糧少故兼道馳約軍
中曰以老孺從者斬潮與二弟時奉母行緒切責潮
欲斬其母潮等請先母死會諸將士皆爲請遂舍之
有術士望軍氣言軍中當有暴興者緒益猜忌前鋒
將擒緒推潮爲主潮乃除地刺劍祝曰拜而劍三動

者我以為主至審知劍躍於地眾皆拜之審知讓潮

自為副

餘與兩史同

此審知與兄入闕之緣起也碑云乾

寧三年僕射遘疾付公以戎旅仍具表奏請加刑部

尚書云云僕射者潮也十國春秋從通鑑作四年冬

潮有疾十二月丁未潮薨與碑差一年十國春秋又

云天祐九年夏四月唐遣右拾遺翁承贊加審知檢

校太保封瑯琊王食邑四千戶食實封一百戶

碑載此語

無年

又云是歲建報恩定光多寶塔於福州天祐二

年夏四月王藏佛經於壽山凡五百四十一函總五

千四十八卷三年七月鑄金銅佛像高丈有六尺鑄

菩薩像二高丈有三尺卽碑所云奉大雄之教崇上
善之因虹梁雕拱重新初利之宮鈿軸牙籤更演毗
尼之藏盛興寶塔多捨淨財日麗飛霞攢彩檻者
是也又云海上黃崎波濤爲阻審知禱於海神一夕
風雨雷震擊開爲港封其神曰靈顯侯原注一作
顯應侯碑
載此事大畧相同惟靈顯侯作顯靈侯爲異十國春
秋又云天祐二年築南北夾城謂之南北月城合大
城而爲三周二十六里四千八百丈卽碑所云恢張
制度固護基扁立崇墉之百雉表巨屏於一方者是
也十國春秋又云是時命管內軍州搜寫遺書以上

卽碑云亟令訪尋精於繕寫遣貢劉歆之閣不假陳
農之求次第籤題森羅卷軸者是也十國春秋又云
佛齊諸國來賓卽碑云佛齊國舟車罕通賧費罔獻
亦踰滄海來集鴻臚者是也佛齊卽三佛齊兩唐書
及兩五代史皆不載惟宋史云佛齊南蠻別種與占
城爲隣其王號詹碑人多蒲姓可知在唐時未通職
貢王審知又系僭僞之國故其來賓不列史傳也十
國春秋又云唐以梁王全忠奏賜王建祠福州勒功
於石卽謂此碑也梁王全忠卽碑所謂天下兵馬元
帥太尉中書梁王是時昭宗遇弒哀帝嗣位本紀書

天祐三年閏十二月己酉朔福建百姓僧道詣闕請
爲節度使王審知立德政碑從之是時朝廷命令多
出梁王秉筆者尙存大體故本紀特書哀宗之從碑
文特書梁王之請其實皆具文也然玩碑文但頌功
德不及祠祀之事則十國春秋所謂建祠福州者又
不知何所本也碑文書檢校太保標題作揀按他碑
未見撰文于兢稱臣書者王侗不稱臣蓋書非奉勅
也

孟超然曰己卯秋友人王周侯貽余瑯琊王碑時座
主王西莊先生甫出關問余閩中碑版之文遂裝二

巨册以獻今忽忽二十年矣近日何述善上舍復見
貽一本紀庚辰夏余論漢唐金石文字出此碑所記
年歲官爵訂史之誤又曰閩王亂世盜魁耳史稱與
兄潮俱起群盜攻泉州殺刺史廖彥若遂有其地而
碑云兄潮譽謫鄉曲福建節度使陳巖遣人禮請署
爲泉州牧史云陳巖其婿范暉自稱留後潮遣審知
攻福州斬暉而碑云巖病不能視事軍士等懼無統
帥皆願有所依從泉牧遂以郡委於仲弟審邽而與
公偕赴詔授潮節度使此皆曲筆也先生之言如此
然當是時天下之亂極矣王氏偏據海濱其始猶奉

正朔士大夫自中原至者依以爲主雖其崇象教度
僧尼窮極土木而民猶得暫免湯火之患此亦如吳
越錢氏史謂非有德澤及人百年之間虐用其民爲
甚而東坡表忠觀碑謂其有德於斯民甚厚孟子有
言饑者易爲食渴者易爲飲開門節度安集哀鴻易
於見德是以吾鄉有八閩人祖之稱而王之鄉族自
光州固始來歸者至今爲盛也

案王侁仕唐官宏文館直學士中原亂來依閩審
邽見萬姓統譜十國春秋審邽爲政十二年爲人
喜儒術作招賢館禮之宏文館直學士楊贊圖王

侷等皆賴以免禍薛史王審知傳以朔爲節度福
建管內觀察使審知爲副碑作詔授潮節度累加
檢校右僕射無爲副使事兄審邽五國故事作審
圭至如伍伯是徵於縮酒十國春秋作五霸壟蒲
易聚作萑苻旋觀昭秦作旅觀霞攢彩檻作雲攢
雖云異類作異俗蓋當偃革之期作偃草競敦廉
讓之風作竟敦不有良田作良臣氣稟温和作中
和皆當以此碑原文校正之輿地碑目作乾寧三
年誤輿地紀勝又謂天祐元年有王德政碑亦失

實

枯木菴木碑

天祐三年

正書刻於木訪碑錄云在侯官按在雪峰寺文云廉
主王大王 枕子一枚雀黃杖一條匕生旬庵 及作水
池約五阡餘功於時

維唐天祐乙丑歲造庵子

按此時王延翰稱王於閩王大王指審知也廉主
卽賢主之謂也枕子一枚雀黃杖一條卽德政碑
所謂條支雀卵也匕是化字之泐枯木庵爲唐僧
眞覺宴坐之處池旁有枯木外嵌中枋木根不朽
峩然若小臺碑刊於木腹字徑五寸絕似柳誠懸

書無書人姓名疑卽眞覺所刻又有雍熙四年知
郡事何允昭刻題稱太宗廟號當爲後人補書見
名勝志

閩王爐

天祐四年

爐以漢僊僂尺度之高三寸七分內深如之口徑八
寸九分圍二尺九寸七分唇徑一尺二寸四分圍三
尺九寸厚二分底廣八寸七分蓋高四寸六分廣九
寸四分紐爲蹲獅帶環於頸綴以小鈴自耳至足高
四寸九分廣二寸九分哆其口以吐烟下有五足高
七寸四分缺一足重十六斤一兩十六銖款云弟子

鹽鐵出使巡官主福建院事檢校尚書禮部郎中賜
紫金魚袋王延翰奉爲大王及國夫人鑄造師子香
爐壹口捨入保福院永充供奉天祐四年九月四日
題繞陽文正書大王及國夫人並空一字保福院在
仙遊是爐得于仙遊鄉土中今藏鰲峰書院

陳壽祺曰大王謂瑯琊王國夫人謂母樂安任氏觀
國夫人也昭宗天復四年八月始改天祐元年八月
哀帝立有位四年仍稱天祐四月甲子哀帝避位而
銘在九月仍稱天祐蓋唐亡後猶稟正朔也

司徒王審邽墓碑

天祐

十國春秋武肅王葬晉江皇積山徐寅撰墓碑文有
皇者天皇積者勳績之語人以爲獻諛

按十國春秋審邽以乾寧四年始知泉州爲政十
二年推之此碑當在宣帝天祐初徐寅字昭夢莆
田人乾寧進士常爲人生幾何賦人以金書列爲
屏障官至正字後隱釣磯有釣磯集

鐵券

天祐

鄭真滎陽外史集陳氏爲莆田望族三世而會稽郡
王揆以滅董昌救溫陵等功授大鎮節鉞賜鐵券

按會稽郡在陳揆以武寧軍節度使同中書門下

平章事檢校太師賜鐵券郡王薨其家上之內府
文載在家譜定爲宋太宗太平興國四年以予觀
之文載郡王平董昌救福建溫陵等功當是唐昭
宗朝錢鏐同時事非太平興國年也宋初功臣以
一言罷兵就鎮未必有九死三宥之說嘗考司馬
通鑑東萊記事本末歐陽五代史皆不載郡王事
恐郡志及墓碑或他書可考今當爲史家之闕可
也

閩中金石志卷五

嘉興馮登府輯

吳興劉承幹校

唐無年月

大乘愛同之寺

諸道石刻錄云李邕書

河石記

閩書唐福州開城南河得石記云五百年城移東南
本地合出連帥自太康至是適五百年閩州名士傳
以爲陳巖閩人爲連帥之應

玉枕蘭亭

金石林時地攷褚遂良正書在福州府學書畫譜又
有棗木蘭亭在福州

中丞石

閩書在長樂縣上刻中丞二字唐潘口獨坐南歸憇
此里人銘之

長樂巖湖碑

見三山志撰人缺福州府志列入唐刻

修葺城碑

觀察推官劉璐撰在福州

按王審知於子城外環築羅城北起永安門南至

利涉門東至海晏門西至豐樂門又有通津清遠
延遠等門是曰羅城觀察判官劉璐郝志失攷

劉禹錫題名

在連江蛤沙河船所有石峭立如壁刻劉禹錫過此
五字

按唐開成元年唐扶爲福州御史中丞福建團練
觀察使劉禹錫有送行詩則此題名當在開成初
或疑非唐之劉夢得也何喬遠疑夢得貶連州過
此

廣化寺石刻

柳公權書在興化府莆田金石林時地攷作靈巖廣
化寺

深扈二字

在泉州晉江縣十六都唐羅隱書

出岫無心

在清源山閩書兩山旁列石壁巘岈俯望城郭歷歷
如畫上有石刻此四字唐王子真書

綠潭石刻

閩書在清源山綠潭石刻綠潭瀑布四字波磔遒勁
殆唐人筆也

唐相李深之題名

輿地碑目引清源集呂夏卿同巖大廷老閱書北屋
看唐相李深之題名慨然作詩云一篇論諫手曾開
七字題名拂綠苔莫道元和最多士幾人曾誦左軍
來

按夏卿擢慶厯第預修唐書李絳字深之贊皇人
元和中與李吉甫同相見唐書

暨克華州廳壁記

輿地碑目趙璘記在泉州

晉亭碑

輿地碑目張登詩云瀟酒晉亭碑

按晉亭在漳州中峰之東葛稚川嘗居之唐張登
梁山詩孤高齊帝石瀟酒晉亭碑中峯有蓮花石
相傳爲齊武帝所賞見輿地紀勝

鶴鳴山殘刻

在龍溪仙亭巖上有題詩石一石覆之文漫滅不可
識僅藏保大與許碯尋偃月數字按許碯唐許真人
也自稱高陽人由荆襄下江淮武夷霍童無不遍歷
所至必於懸崖人不能及處題云許碯自峩眉山尋
偃月子到此此其一也

慕容韋揭鴻塞詩刻

在龍溪嶺春

何希寂文宣廟記

寶刻類編奉命書 歲在赤奮若月在陽三日記在

建甯

員半千題名

寶刻類編在建甯

天王院留題

輿地碑目在沙縣壁間有唐韓涯題詩

按涯疑當作偃

心經

唐異僧書在武夷歸宗巖石壁上

羅隱題詩石

圖書在甯德四都溪邊舊有羅隱題跡今尚存添硯

沼三字

五代

招慶寺長老僧惠稜碑

後梁乾化四年

見三山志

按十國春秋慧稜杭州鹽官人姓孫天祐三年太祖從子延彬守泉州請住招慶院後又同長慶院

號超覺大師長興三年卒惠宗爲建塔碑云乾化四年十一月以福建觀察使王審知奏乞稜師勅賜立悟大師以碑爲詳

中丞伍公墓志

貞明元年

輿地碑目貞明元年舍人張策撰在汀州府治

按十國春秋伍昌時汀州甯化人太祖時爲偏將軍父夢授事太祖官左僕射此殆夢授之碑也案薛史張策字少逸燉煌人未弱冠落髮爲僧十餘年返初服出爲廣文博士改秘書郎天復中策奉其主書幣來聘太祖卽奏爲掌記天祐初拜職方

郎中未幾遷中書舍人太祖受禪改工部侍郎加承召碑列銜舍人當在天祐初貞明爲後梁末帝不應仍書前官與史不合

邯鄲郡王王審知神道碑

後唐同光四年

三山志引十國紀年云葬夫人任氏於閩縣鳳池寺後忠懿王亦葬焉後唐同光四年改葬永福山則遵化里蓮花山也墓前有神道碑後唐張文寶撰文正書今佚 鄭杰閩中錄云五代史稱王卒於同光三年錢昱重修廟碑云在十二月十二日去四年不過十餘日是葬必在四年今云四年改葬一年兩易其

處此必無之理也通志錄明林謹夫記發冢歌作後
唐長興三年改葬似爲有理但未知所據耳三山志
鳳池寺下云漢乾祐元年置本僧慧覺塔亭也初忠
懿王易昇山僧田爲尙賢夫人藏室尋以施塔所夫
旣易爲藏室旋又施之或是王在時已有改葬意及
葬王遂遷祔之遷者夫人王實未嘗葬而遷也王之
母姓氏封號五代史及廟碑俱不載考通鑑王緒至
漳州以道險糧少令軍中無得以老弱自隨惟王兄
弟扶其母董崎嘔從軍黃滔報恩定光塔碑云天復
三年甲子以大孝之誠發大誓於茲九仙山造塔建

號定光仍輔以經藏爲先君司空先秦國太夫人元
昆故司空薦社於幽陰是王母姓董氏封秦國夫人
此其可據者也若葬處則諸書並無明言惟三山志
云香燈資福崇壽院在太平里同光三年置閩王以
國夫人塋郭之西因置是寺所云國夫人當卽王母
也太平里在今西北銅盤山下王延翰所葬處今以
左冢當之與郭西之言未合未識此冢果誰何也夫
金石可以證史書之誤然苟身履其地則取史書以
證傳聞之誤亦有可以得史書之誤者惜夫五代十
國之書流傳旣渺而此邦職志又無能任之者徒使

躑躅於涼煙白草之間無與爲語有慨然長嘆而已
按十國春秋忠懿王後唐同光三年辛未王薨葬
於福州城北鳳池山長興三年改葬於蓮花山有
後唐所賜神道碑張文蔚撰文三山志以爲同光
四年改葬蓋沿十國紀年之誤文蔚當作文寶考
薛史文寶諫議大夫顓之子莊宗卽位以文寶知
制誥歷中書舍人刑部侍郎蓋在同光時文蔚河
間人乾符初進士以開平二年卒贈右僕射蓋後

梁太祖時人

中際香積院

天成元年

輿地碑目在水際里天成三年記刻石今存

三山志在甯德縣僧素筠刻石記云中際山百丈飛

泉鳴雷撲雨千尋怪石蔽日藏雲中和五年前關隸

營使陳希遠與僧清彥共申聞觀察使陳巖為鑄鐘

一口

重修文宣王廟記 天成四年

寶刻類編劉纂撰劉曦度書天成四年七月十三日

記在建甯

安國寺碑 長興元年

輿地碑目長興元年閩王所立在福州

宗大禪師碑 長興元年

三山志在懷安縣北安國寺忠信里始曰龍邱會昌
間廢乾甯三年忠懿王復之光化初僧師備白雲來
居焉師備閩縣江南人號宗一禪師後唐長興九年
閩越王鈞所立碑文節度副使王延稟舍石刻碑今
存攷宗一碑云開平二年十二月靈龕歸於懷賢飛
山之源蓋宗一禪師另有塔院爲賢沙寺按三山志
稱安國院宗一行狀碑

按十國春秋云備初住普應院後遷福州元沙開
平二年卒太祖爲之立塔

崇妙保聖堅牢塔記 後晉天福二年

卷之七 古樓刊

塔凡七層第一層中爲南無金輪王佛旁正書大闍
皇曦爲自身家室小男愛女內外眷屬臣寮五州管
界人民士庶乞保平安

第二層中爲南無當來下生彌勒尊佛旁正書女弟
子大闍國后李氏十九娘爲自身伏願安處六宮高
揚四教上壽克齊於厚載陰功永福於長年

第三層中爲南無无量壽佛旁正書弟子闍國王王亞
澄并室中越國夫人余氏十三娘各爲自身伏願顯
甲觀之儲休保宜家之懿範椿松比壽蘭蕙齊芳

第四層中爲南無多寶佛旁正書女弟子福清公主
王氏二十六娘駙馬守司徒同中書門下平章事陳
文質伏願天宮降福仙掖迎祥薤華永茂於容儀柳
絮恒資於賦詠

第五層中爲南無藥師琉璃光佛左旁正書弟子節
度副使王繼潛宮苑副使王繼源伏願望殿承顏淳
雷蘊譽注福涯於四海顯祿位於萬邦右旁書女弟
子順昌公主王氏二十七娘建安公主王氏二十八
娘同安公主王氏二十九娘各爲自身伏願月娥偕
美星婺同休雅彰麟趾之風顯播鳳臺之譽

第六層中爲南無龍自在王佛旁正書女弟子賢妃
尚氏十五娘爲自身伏願竺軋諸聖長開植福之門
蓬島羣仙每降延齡之籙

第七層中爲南無釋迦牟尼佛下正書戴君匡國變
理功臣特進守太傅兼門下侍郎同中書門下平章
事上柱國萊國公食邑二千戶李真妻趙國夫人陳
氏推忠竭節匡濟功臣西面經畧使特進檢校太尉
兼侍中同中書門下平章事使持節泉州諸軍事行
泉州刺史上柱國下邳郡開國公食邑一千五百戶
余廷英妻閩興長公主王氏翰忠竭節効順匡濟功

臣左軍使驃騎大將軍檢校太尉兼御史大夫上柱國韓國公食邑二千戶張再榮妻太原郡君王氏輪忠竭節効順匡濟功臣右軍使匡國大將軍特進檢校太尉兼御史大夫上柱國蔡國公食邑二千戶程宏緯妻太原郡君王氏定亂威勇効列忠節功臣左龍虎統軍兼莊宅使判權鹽事特進檢校太尉兼御史大夫上柱國滕國公食邑二千戶黃紹頗妻梁國柔德夫人張氏推誠叶力保定竭節翊佐功臣右龍虎統軍東上閣門使控鶴都指揮使守左驃騎大將軍特進檢校太尉上柱國兗國公食邑二千戶連重

遇妻宋國□□

缺二字不可辨

夫人朱氏推誠叶力保定竭

節翊佐功臣左龍武統軍威烈効節都指揮使守左

驍騎上將軍特進檢校太尉上柱國鄧國公食邑二

千戶朱文進妻楚國貞範夫人王氏輸忠竭節効順

匡濟功臣左神武統軍監左金吾□

缺一字不可辨

特進檢

校太尉兼御史大夫上柱國徐國公食邑二千戶尚

紹殷妻邳國夫人孫氏忠勇揚威竭節功臣左龍武

統軍右金吾使特進檢校太尉兼御史大夫上柱國

虞國公食邑二千戶許宏欽妻平陽縣君賈氏忠勇

揚威竭節功臣右神武統軍監左扈從都光祿大夫

檢校太傅兼御史大夫上柱國開國侯食邑二千戶
林守諒妻武昌縣君殺氏威烈効節內扈駕小牌都
指揮使金紫光祿大夫檢校太保守左千牛衛上將
軍兼御史大夫上柱國開國男食邑五百戶劉懷遂
妻太原郡君王氏西上閤門使軍器使金紫光祿大
夫檢校司徒守右千牛衛上將軍兼御史大夫上柱
國滎陽縣開國子食邑五百戶鄭懷通妻陳留郡君
氏氏內外弓箭指揮使內承旨都行首右鈐轄事金
紫光祿大夫檢校司徒守左千牛衛上將軍濟南縣
開國子食邑五百戶林宏直妻宏農郡君楊氏御輦

使兼左鈐轄事金紫光祿大夫檢校司空守左千牛
衛上將軍兼御史大夫上柱國太原縣開國子食邑
五百戶王思後妻宏農郡君楊氏明威殿使金紫光
祿大夫檢校司空守左驍衛大將軍兼御史大夫上
柱國上黨縣開國男食邑五百戶連懷義妻吳郡縣
君朱氏進宮使金紫光祿大夫檢校司空守左驍衛
大將軍兼御史大夫上柱國上黨縣開國男食邑五
百戶連懷後妻濟南縣君林氏旁行書右各爲自身
家室等伏願千靈萬聖降難盡之休祥八節四時納
無疆之福壽家室康泰男女安和長承聖主之恩永

保明廷之慶末書甲辰歲正月十五日記

題塔名碑在第四層崇五尺廣三尺中正書崇妙保
聖堅牢之塔八字寬廣徑尺左旁正書功德主睿明
文廣武聖光德隆道大孝皇帝王曦爲自身及皇后
宮口

缺一字
不可辨

眷屬文武臣寮六軍兆庶發心敬造右

旁書永隆三年歲在辛丑十一月八日建監臨扈聖
指揮使儀仗使檢校司空開國男食邑三百戶臣劉
懷進勾當捧聖軍將檢校右散騎常侍兼御史大夫
臣鄭可端吳逢泰布置造塔控鶴官兼侍御史臣邱
超長樂府令史臣黃衰

書塔記碑在第五層其崇廣視前碑稍殺額篆崇妙保聖堅牢塔記八字首行正書崇妙保聖堅牢塔記次行結銜稱中散大夫守中書口

缺一字不可辨

令柱國賜

紫金魚袋臣林同穎奉勅撰右街神光寺文章應制宏慧大師賜紫臣僧元逸奉詔書其文曰夫古之塔

者兒童聚沙授記聞諸金僊子鬼神碎寶成功歸彼

府志誤作諸

鐵輪王今之塔也非寶非沙彌堅彌大整鞭

來之巨石狀湧出之浮圖是故人但有心物亦

府志誤作

非無體心以不貪爲戒寶卽同沙體以不磷爲名石

還勝寶我當今睿明文廣武聖

府志誤作堅

光德隆道大

孝皇帝君臨域

府志誤作城

內佛在王中雖日忽萬機且

躬行十善嘗曰植福靡因乎地賦命弗自乎

府志誤作于

天猶吾基構之肯承亦我梯梁之夙設而今而後念

茲在茲永隆三年歲次辛丑冬十一月上視朔之暇

顧謂南面城中西來山左林繁簷蔔熏

府志誤作薰

滿國

以馨香草假苾芻占度年之蒼翠可安之宰堵鎮此

高崗是月八日峻址環開貞姿片合層一至九樣獨

無雙暨

府志無此字

口年

此字上原空二字

口月

此字上原空二字

良工

告成凡一十六門七十二角并隨層隱出諸佛形像

府志誤作狀

共六十二軀繇是影籠千室猶趨潤礎之隅

勢入重霄已戴補天之色壯矣哉壽嶽因之永固他山爲之一空設使王曰毗沙擊應不動毫稱壘土比

則非牢作之者莫與爭功目之者自然生善臣叨承

出綽俾屬受辛瞻八面之貞明相高聖德舉一隅之

磨琢略類

府志誤作數

微才將何確論宏規虛忝堅令善

誌却於文罷特地魂驚蓋不容揖讓洪儒彫鏘翠琰

唯深幸矣敢直言之後署永隆口年

此字上原空一字

歲次

口口月

此字上原空三字

口日

此字上原空一字

記神光寺長講兩

經三論大德賜紫臣文於豸試左千牛衛長史臣林

欽鐫功德主睿明文廣武聖光德隆道大孝皇帝玉

曦

林喬蔭曰按二碑

第四層亦有一碑題塔名

及末層石刻所記是

塔剏於辛丑之十一月八日而成於甲辰之正月十五日記蓋剏始之時豫製者故其言良工既成之上所有年月皆缺二字既末所題歲月日子亦并留工以俟補贍以史鑑攷之王曦之立在晉高祖天福四年歲次己亥自稱威武節度使自稱閩國王改元永隆遣商人問道奉表稱藩於晉然其在國置百官皆如天子之制是歲以太子太傅致仕李真爲司空兼中書侍郎同平章事明年庚子曦與其弟建州刺史

延政連兵相攻又明年辛丑夏四月曦以其子亞澄同平章事判六軍諸衛六月以連江人黃紹頗爲國計使秋七月曦自稱爲大閩皇領威武節度使九月

以其子亞澄爲威武節度使改號長樂王

福州改冬稱長樂

十月曦卽皇帝位此卽造塔之歲也又明年壬寅春正月立司空李真女爲皇后三月立長樂王亞澄爲閩王又明年癸卯宮沙王延政稱帝於建州國號殷改元天德三月曦立尙氏爲賢妃又明年而爲甲辰則塔成之歲也是歲晉出帝開運元年三月十三日乙酉曦如后父李真第問疾拱宸兵馬步使錢達弑

曦於馬上文進自稱閩王收王氏宗族延喜以下五十餘人皆殺之先是文進既弑昶立曦懼國人見討相與結昏自固曦果於誅殺二人內不自安曦后李氏害尚賢妃之寵欲圖曦而立其子亞澄因以語激怒文進重遇故及於難夫以曦之濫虐李氏之悍妬亡可計日待而上下恬嬉方如處堂之燕雀且欲邀福於浮屠以祈永命卒之身遭弑戮子孫無遺相距塔成不兩月耳則甚矣無道之必不能以延而浮屠氏之說之果不足恃也此石所列諸凡二十餘人其見於史書者惟李真余廷英林守亮黃紹頗及重遇

文進六人餘皆不著然大都朋奸逢惡無非曦之衆

來而兩載之間亦罔不駢尸就戮則所謂長承聖主

之恩永保明廷之慶者

二語見第七層釋迦牟尼佛旁列名下末書甲辰歲正月

日十五果安在哉

又曰通鑑載文進既弑曦乃謚曦曰睿文廣武明聖

元德隆道大孝皇帝今以二碑所稱考之則此十二

字卽其生時之尊號稍爲移易其所異者光之爲元

耳王曦之子見於史者僅一亞澄非此塔則不知其

尚有繼潛繼源也

二人名見第五層南無藥師琉璃佛左旁

又曰林永亮之妻殷氏遍攷字書並無此文疑爲殷

之變體鄭懷通之妻氏氏據三國吳志當時有北海
是傢本姓爲氏以孔融嘲之爲民無上因改爲氏然
五代梁時又有氏叔琮爲開封尉氏人則此之封陳
留或亦從叔琮族望也

金石萃編按此碑在侯官縣南澗寺東石塔寺今寺
沒於民居塔猶存也福建通志云唐貞元十四年德
宗誕節觀察使柳冕以石爲塔啟視賜名無垢淨光
塔晉天福二年閩王曦重修刻石題曰崇妙保聖堅
牢塔記嵌於塔上時已僭號記中有詔勅年號等字
俱爲後人削去末尙有永隆年月及王曦等字通志

之言如此今據碑文中間有謚號一行泐三字證以十國春秋乃王曦之謚曰睿文廣武明聖元德隆道大孝皇帝也下有三年歲次辛丑而泐其上兩字以十國春秋紀元表攷之正永隆三年也文云王曰昆沙擎應不動臺稱壘土比則非牢此則命名堅牢之義也文又云南面城中西來山之左可安之窳堵鎮此高岡是月八日峻址環開貞姿片合玩此文義當由新建不似修舊且並無述及舊與通志所謂卽無垢淨光塔者未合末行題大孝皇口王曦之大孝上泐三字似卽王曦之謚號皇下泐帝字王曦之下不

知泐幾字據歐五代史曦乃王審知之少子初名延

曦既立更名曦

名與碑同

薛史云更名羲

不以日

十國春秋

名同薛史而以為太祖

即審知

第二十八子其立碑

之年在晉為天福六年通志作二年者亦誤文既用謚號又斥曦名似後人追記者

按三山志無垢淨光塔天福六年王延曦重建即淨光塔寺地通志亦言重建不誤惟二年當作六年

龔景瀚曰吳任臣十國春秋百官表採摭頗為詳備惜未嘗見此碑今摘碑中所列而表缺者列於左

功臣

名號不錄階勳唐志可以
例觀表已言之今亦不錄西面經畧使 左軍使

驃騎大將軍表但有大有大將軍無號 右軍使 匡國大將軍 左

龍虎統軍表但有 莊宅使 判權鹽事 右龍虎統

軍 東上閤門使表但有閤門使 左驃騎大將軍 威烈効

節都指揮使表有拱宸都指揮使實一官也 左驍騎上將軍 左神

武統軍 監左金吾衛 左龍武統軍 右金吾使

表有大金吾衛將軍 右神武統軍 監左扈從都 光祿大夫

威烈効節內扈駕小牌都指揮使 金紫光祿大

夫 左千牛衛上將軍 西上閤門使 軍器使

右千牛衛上將軍 內外弓箭指揮使 內承旨都

行首

表有南廊承旨

右鈴轄

御輦使

左鈴轄

明威殿

使

表但有殿使

左驍衛大將軍

進宮使

扈聖指揮使

儀仗使

捧聖將軍

控鶴口

長樂令史

左

千牛衛長史

宮苑使

駙馬其有官名已見于史

鑑而吳表失採者亦附錄于此

右軍都監

柳邕通鑑同

光三

奉國節度使

王延稟天成四年

寶皇宮主

陳守元長興二年表但

有寶皇

下軍使

見胡三省註清泰元年

驃騎大將軍

王延宗清泰元年

拱辰指揮使

林延皓表但有都指揮使清泰元年

拱宸軍使控鶴軍

使

朱文進連重遇年表但有兩都指揮使

天福四

教練使

杜漢宗四年表但有都

教練

都軍使

蔡宏裔天福四年

戰棹都頭

陳誨四年

大明宮

使黃敬忠天福金吾使尙保殷天福八年控鶴指揮使魏

前開運元年表拱宸馬步使錢達開左軍使程

但有都指揮使黃仁諷開運二年右軍使見胡三省

年開鎮遏使年表但有防遏使註開運三年

排陣使馬捷開監軍使周承義開運三年百

官表謂十國官制多仍唐舊其間與六典異名者閩

之國計使云云僅一二見耳然殿使之官亦絕不經

見爲閩所特置通鑑閩主嬖陳金鳳以其族人守恩

匡勝爲殿使胡三省曰殿使閩所置官此碑中之明

威殿使亦其一也明威殿建于王昶時三山志曰通
文永隆之間官有寶皇大明長春紫微東華躍龍殿

有文明文德九龍大酺明威門有紫宸啟聖應天東
清安泰金德錢氏內附廢撤無留者獨面衙門一殿
故址猶在至今呼爲明威國初守臣避不敢居以爲
設廳凡勅設宴集乃就焉萬曆癸丑志宋景炎端宗
卽位于閩以舊設廳爲垂拱殿明爲政本堂然則今
布政使司之正廳其卽閩之明威殿故址歟又進宮
使亦閩特置者

黃世發曰唐制六軍龍武神武神策各分左右爲六
今碑中有左龍虎統軍黃紹頗右龍虎統軍連重遇
左龍武統軍朱文進右神武統軍尙紹殷右神武統

軍林守諒其許宏欽御亦爲左龍武統軍此左字頗覺漫漶未敢確定爲何字然既有左龍武則必有右龍武是當時所謂六軍者左右龍虎左右龍武左右神武也三山志稱王氏竊立龍虎天霸等六軍及拱宸控鶴宸衛三都蓋統七主之制言之故別有天霸之號卽通鑑載朱文進以羽林統軍使黃紹頗爲泉州刺史亦係曦死後事或當時禁軍別名似不宜以天霸羽林合龍虎龍武神武爲五軍而以一爲缺也驃騎大將軍乃武職散階非如六軍官屬之分左右今於連重遇列銜讀云左驃騎大將軍驃騎二字碑

石模糊似當缺之朱文進列銜讀云左驍騎上將軍
唐書百官志武散階四十五並無驍騎將軍卽謂當
時亦不宜加左字上字蓋唐制上將軍惟左右衛設
之今泛云驍騎不當有上將軍之號也騎字缺之爲
是官名記中尙紹殷三字細玩碑文中一字尤似是
保字左邊立人顯然蓋卽尙妃之父也如此則列銜
左金吾下缺一字亦當作使字不當作衛字至於記
中所列諸缺文亦有可辨者張再榮銜某國公乃韓
字連重遇妻某國公乃宋字某夫人上應缺二字朱
文進銜某國公乃鄧字塔字碑左旁六軍下乃珥字

右旁控鶴下乃官字記塔首行崇妙上尚有二字首
乃大字僧无逸奉勅書勅乃詔字林歡銜左千牛上
缺一字乃試字此雖無關考究然碑石已經剝滅久
恐益誤耳余於史書既未窺覽金石亦未搜羅姑就
所見言之如此

再興禪林寺記

天福四年

寶刻類編紹珪書李仁表撰天福四年四月五日立
在建甯

羅漢寺碑

天福七年

三山志云王延曦之弟既卽僞位天福七年乃施爲

永隆金身羅漢寺有高麗銅佛三一爲人所攘木刻代之胡僧八狀膜者羅漢十八侍立胡奴及僧各一石碑徑二尺高丈餘上刻無量壽文殊普賢像及樓閣之狀東小殿深沙神一旁立僧一童一案陳鳴鶴閩中攷延義故宅卽今慶城寺天福七年舍爲永隆金身羅漢院

尊勝經幢

天福九年

諸道石刻錄云李紹元書天福九年立

鳳邱山石刻

後漢

閩都記鳳邱山去城五里有刻劉智遠篆書龍虎二

字

鐘山肅安王廟記 後周廣順二年

林嗣宗撰在福州

福清重興院碑銘 顯德二年

輿地碑目在福清蒜嶺西翁正度立碑又鐫石馬泉

三字於碑

尊勝經幢并記 顯德三年

諸道石刻錄云僧文瑛記顯德三年立在福州

外湯院置田記 顯德六年

諸道石刻錄云大德亞山高述顯德六年十一月立

寶刻類編在福州

初建安溪縣記

顯德

詹敦仁撰見文集

夫萬戶而置郡千戶而置邑古制也泉之爲郡古矣
小溪場西距汀漳東瀕溟海乃泉之一鎮守也地廣
二百餘里三峯玉峙一水環迴黃龍內顧以驤騫朱
鳳後翔而飛翥土之所宜者桑麻穀粟地之所產者
麀鹿禽魚民樂耕蠶治有銀鐵稅有竹木之征險有
溪山之固兩營之兵額管二千餘人每歲之給經費
六萬餘貫地實富饒是豈不足以置縣歟敦仁奉命

以來視事之始既嘉山川雄壯尤喜人物夥繁恩築而縣之乃以狀請於郡太守未幾而報可之令下增割南安近地新揭清溪美名敬奉以遺大懼弗稱矧新邑發岡自乾亥而來轉勢從辛兌而入向丙巳以奉離明之化流寅甲以伸震疊之威左環右接如抱如懷前拱後植若揖若拜析爲四鄉一十六里通計一邑幾二千餘戶梓列以圖卜契我龜當三農收歛餘暇造二營番戍休閒便近之戶役止三日而民不告勞築作之工計不踰年而兵不憚用崇門豎樓所以嚴其勢繩廊周宇所以處其吏屋不華而加壯寢

僅足以爲安居民鱗次雍雍然以和官廨異如濟濟
而有辦由陸而至者必出其塗自水而運者會流於
下坐肆列邸貿通有無荷畚執篋各安職業土沃而
人稠風淳而俗朴真東南形勝之地實疆場衝要之
區也初經營於顯德大火之首冬遂落成於明年小
春之下澣苟完苟美不至侈矣曰富曰庶又何加焉
其奈地華人質業儒者寡是豈教有未及者歟殆亦
有加待而化者歟豈知夫秦奢魏褊俗若未易以轉
移伯清惠和聞者尙能以興起顧在上之人所以作
之者何如耳敦仁不能遠引古者之說以爲喻請以

南僞命乙卯歲爲清溪縣後改安溪縣乙卯爲顯

德二年次年爲丙辰

清隱堂記

後周

詹敦仁撰見文集

清源之西踰百餘里有地曰清溪去邑之西又踰百餘里有山曰佛耳峭絕高天遠跨三鄉有田可耕而食有山水可居而安予旣卜而築之爰取清幽之義榜所居之堂曰清隱若夫烟收雨霽雲捲天高山聳鬢以軒騰風梳木而微動殆若曉妝覩鏡夜籟沉聲寒泉聒耳戛玉吟琴非宮非羽五音不調而自協不

絲不桐五絃不撫而自鳴此其所以爲清者也然與
其適於耳目之外孰若得之胸襟之內春而耕一犁
雨足秋而斂萬頃雲黃飢餐飽適遇酒狂歌或咏月
以嘲風或眠雲而漱石是非名利榮辱得喪皆不足
爲身心之害此又所以爲眞清者也宜乎斯堂以清
目之

王氏刺史廳壁記

南唐保大五年

輿地碑目保大五年黃滔撰在泉州 按碑亡集無

此文

述江靈端廟記

保大中

南唐保大中鄭僉判南卿撰

漳州故羅漢禪師碑

閩通文元年

寶刻類編在福州

諸道石刻錄云張廣撰文僧匡政書閩王昶通文元

年建

蕃書二碑

天德二年

三山志侯官龍德外湯院地方煥泉氣如琉黃能熟
蹲鳴天德二年占城國王遣其相金氏婆囉來道里
不時遍體瘡疥訪而沐之卽痊乃舍五千緡創亭其
上陳莊記之有蕃書二碑方塔五級

以凡心測彼變通哉大閩國西岳名山者初有神
仙以變化次有祖佛以修行聖迹聿興在於唐朝
之初其山中分六合高冠二儀巖根而吼出雷聲
峯首而戛橫斗柄寒生六月峯起五尺上有列仙
聚會之壇中有志士修真之室見三山志

閩鐵錢

開元通寶篆文

十國春秋龍德二年鑄大鐵錢以開元通寶爲文以
五百文爲貫

倪濤六藝之一錄陶岳貨泉錄曰王審知鑄大鐵錢

潤寸餘甚麤重亦以開元通寶爲文仍以五貫文爲
貫俗謂之銚刃賀與銅錢並行

永隆錢

永隆通寶篆文

五代史王延羲鑄大鐵錢以一當十洪氏泉志有永
隆錢又云此錢徑寸四分重十銖二參文曰永隆通
寶字文平漫製作不精以銅爲之十國春秋永隆大
鐵錢一當鉛錢百知當時有銅鐵二品也

六藝之一錄閩世家曰王延羲立改元永隆鑄大鐵
錢以一當十

天德錢

天德通寶篆文

十國春秋引董道錢譜建州王氏錢面文天德重寶背文穿上有殷字洪氏泉志按王延政以建州建國稱殷故幕爲殷字通寶重寶之異有此二品耳

六藝之一錄閩史曰王延政天德二年鑄天德通寶大鐵錢一當百

寶華院記

輿地碑目在將樂東南十五里有僞閩王氏鑄鐘烏石宣威感應王廟碑銘

用契丹年號

會同十年

輿地碑目陳郊撰并序長樂志云會同十年封又云
年號史闕東陽志義烏縣真如院碑吳越十年建洪
邁隨筆載錢氏有年號三曰天寶寶大保正而無會
同年號象之謹按通鑑晉天福二年歲在戊戌契丹
主耶律德光卽位改元會同至後漢天福十二年丁
未整整十年蓋是歲福州陷於吳越是時錢氏不置
年號只用中原正朔契丹入汴故用契丹年號二浙
既用會同年號是年福州旣屬吳越故福州亦用會
同年號

按延平大昇院亦用會同二年號卽晉天福四年

閩永隆元年也陳邠莆田人通文中爲檢校太傅
見十國春秋

閩中金石志卷五終